



## TË ARDHURA QË LULËZOJNË

Investoni në fondin që vë  
në lëvizje kursimet tuaja

## Raport Muaji Qershor 2023

### Informacion bazë

Administrimi i Fondit	<b>Raiffeisen Invest sh.a</b>
Monedha	<b>LEK</b>
Datë Lancimi	<b>01 Mars 2012</b>
Vlera fillestare e kuotës	<b>1,000</b>
Shuma fillestare minimale	<b>5,000</b>
Shuma minimale pasuese	<b>1,000</b>

### Komisionet dhe Tarifat

Tarifë në hyrje	<b>0%</b>
Tarifë në dalje	<b>0%</b>
Tarifë Administrimi në vit	<b>Deri ne 1.15% e vleres neto te aseteve</b>
Tarifa te tjera te vazhdueshme	<b>Referojuni prospektit te fondit</b>
Komisione/tarifa e vazhdueshme	<b>1.27% per vitin 2022</b>
Kosto për transfertë fondesh nga palë të treta	<b>Referojuni informacionit ne deget e RBAL</b>

### Objektivi i investimit dhe profili i investitorit

Objektivi i Fondit është të maksimizojë kthimin nga investimi, duke synuar në të njëjtën kohë ruajtjen e kapitalit të investitorit dhe sigurimin e likuiditetit të nevojshëm.

Asetet e fondit janë të investuara në bono thesari dhe obligacione të emetuara ose garantuara nga Qeveria e Republikës së Shqipërisë.

Fondi është i përshtatshëm për individë dhe subjekte juridike të cilët mendojnë se objektivi i investimit i Fondit përputhet me kërkesat dhe pritshmëritë e tyre.


Shifra e tarifës së vazhdueshme 1.27% mbështetet në shpenzimet për vitin e mbyllur më 31.12.2022. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.4% ne vit te vlerës neto të aseteve te fondit.

Kostot e transaksioneve janë sipas kushteve të punës të palëve ndërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

### Profili i Riskut dhe Përfitimit

Risk i ulët  
Përfitimet tipike më të ulëta

Risk i lartë  
Përfitimet tipike më të larta



## Fondi Raiffeisen Prestigj është në kategorinë e dytë të Profilit të Riskut dhe Perfitimit.

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.


Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

## Të dhëna për Fondin në 30.06.2023

<b>Vlera Neto e Aseteve</b>	<b>28,214,699,712</b>
<b>Numri i investitoreve</b>	<b>23,424</b>
<b>Çmimi i Kuotes</b>	<b>1,608.0579</b>
<b>*Kthimi vjetor neto nga investimi (30.06.2022 – 30.06.2023)</b>	<b>2.58%</b>

\*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi

## Struktura e portofolit të investimeve në 30 Qershor 2023



Në kuadër të politikës së investimit të fondit Prestigj, investimet do të kryhen kryesisht në bono dhe obligacione thesari, të emtuara ose garantuara nga Qeveria shqiptare, përmes pjesëmarrjes në ankandet e tregut primar apo transaksioneve në tregun sekondar. Bonot e thesarit 12 mujore emetohen dy herë në muaj; Obligacionet 2 vjeçare një herë në muaj; 7 dhe 10 vjeçare janë me të rralla, afërsisht një herë në tre muaj. Qeveria organizon ankande të obligacioneve referencë 5 dhe 3-vjeçare me frekuencë një herë në 2 muaj për secilin maturitet.

### *Instrumenti*

### *Ne % te Aseteve te Fondit*

Marreveshje të Anasjellta të Riblerjes – Rev Repo	5.12%
Depozita & Llogari rrjedhese	10.71%
Bono Thesari	10.47%
Obligacione Thesari	73.69%

Strategjia e investimeve është e fokusuar në tituj të Qeverisë Shqiptare, por përveç këtyre investimeve, Fondi mban një pjesë të asetëve në depozita afatshkurtra për të plotësuar në çdo kohë nevojat për likuiditet të investitoreve.



Vlera neto e asetëve të fondit është në nivelin e LEK 28.2 miliardë në datë 30 Qershor 2023.

## Zhvillimet dhe ecuria e normave te interesit te titujve te Qeverise Shqiptare gjate muajit Qershor

Norma bazë e interesit e publikuar nga Banka e Shqipërisë vijon të jetë në nivelin 3.00%. Politika monetare e ndjekur këte periudhë ka dhënë efektet e saj, duke bërë që inflacioni të shënojë rënie gjatë muajve të fundit. Norma e inflacionit në muajin Qershor ra në 4.50%, krahasuar me 4.7% në muajin Maj. Normat e interesit të bonove dhe obligacioneve të Qeverisë Shqiptare në të cilat Fondi Prestigj investon kanë pësuar përgjithësisht rënie gjatë muajve të parë të vitit 2023. Asetet e Fondit Prestigj janë të investuara vetëm në bono dhe obligacione të emetuara nga Qeveria e Republikës së Shqipërisë dhe për këtë arsye fondi është i ekspozuar ndaj ndryshimeve në normat e interesit të këtyre titujve, ndaj rënia e normave të interesit ka patur një ndikim pozitiv në portofolin e investimeve.

Përgjatë muajit Qershor në tregun vendas, normat e interesit të titujve të emetuar nga Qeveria Shqiptare vijuan të kenë një trend përgjithësisht rënës. Yieldi i Bonos së Thesarit 12-mujore rezultoi në 3.086% duke rënë me 0.35% në krahasim me ankandin e muajit Maj. Për sa i përket obligacioneve, yield i obligacionit 2 vjeçar rezultoi në 3.93%, duke rënë me 0.23% krahasuar me yield-in në ankandin paraardhës. Ankandi i obligacionit 7-vjeçar rezultoi në 5.08%, duke rënë me 0.13% krahasuar me ankandin paraardhës. Ndërsa ankandi i obligacionit referencë 3-vjeçar rezultoi në 4.43%, duke rënë me 0.05% krahasuar me ankandin e fundit dhe ankandi i obligacionit referencë 5-vjeçar rezultoi në 4.70%, duke u rritur lehtë me 0.02% krahasuar me ankandin e fundit.


Grafiket më poshtë japin një pasqyrë të ecurisë së normave të interesit të bonove dhe obligacioneve të thesarit të emetuar nga Qeveria Shqiptare gjatë periudhës 1-vjeçare Qershor 2022 – Qershor 2023. Për obligacionet referencë 3 dhe 5 vjeçare janë paraqitur yield-et fikse të perlogaritura nga kuotimet e kontributoreve në fund të muajit Qershor.




## Performanca e fondit dhe ecuria e çmimit të kuotës deri ne 30 Qershor 2023

**Kthimi vjetor neto per periudhen 30 Qershor 2022 – 30 Qershor 2023 eshte 2.58%.** Çmimi i kuotes se fondit Prestigj ne muajin Qershor eshte rritur me **+0.33%** si rrjedhoje e renies se normave te interesit te bonove dhe obligacioneve te emetuara nga Qeveria Shqiptare. Fondi ka rikuperuar plotesisht humbjet e vitit te kaluar te shkaktuara nga rritja e normave te interesit te titujve te Qeverise Shqiptare. Duhet patur parasysh se norma e kthimit ndryshon ne varesi te kushteve te tregut, sic jane ndryshimet e normave te interesit te titujve te borxhit te emtuar nga Qeveria Shqiptare. Keshtu kur normat e interesit ne treg rriten, vlera e titujve te portofolit ulet dhe per rrjedhoje ulet dhe norma e kthimit per periudhen e kaluar. E kunderta ndodh kur normat e interesit ulen. Per pasoje, çmimi i kuotes mund te jete i luhatshem. Luhatshmeria eshte pjese e natyrshme e fondeve te investimit dhe eliminimi i saj eshte i pamundur, keshtu çmimi i kuotes mund edhe te bjere, jo vetem te rritet.

**Ecuria e çmimit të kuotës Fondi Raiffeisen Prestigj**



## Kthimi vjetor historik i Fondit Raiffeisen Prestigj per çdo vit



Investitorët e fondit Prestigj dhe të gjithë fondeve të administruara nga Raiffeisen Invest keshillohen të kenë një horizont sa më të gjatë investimi për të përfituar një kthim optimal nga investimi dhe në këtë mënyrë në periudhë afatmesme apo afatgjatë të kenë mundësi të rikuperojnë edhe efektet negative të krijuara afatshkurter. Investitorët inkurajohen që të ruajnë investimin e tyre duke mos ndryshuar objektivin e qëndrimit në fond të nxitur nga situata jo e zakonshme e krijuar nga konflikti gjeopolitik dhe rritja e inflacionit, sepse në këtë mënyrë nuk do të rrezikojnë të dalin nga fondi në momentin e gabuar për investimin e tyre.

Të dhënat për kthimin nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjere numerike, janë përdorur për qëllime ilustrative dhe analize të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit. Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen INVEST sh.a., në website [www.raiffeisen-invest.al](http://www.raiffeisen-invest.al) ose në degët e Raiffeisen Bank në Shqipëri.